



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Natales Sanctorvm Belgii, & eorundem Chronica
Recapitvatio**

Molanus, Johannes

Dvaci, 1616

Die vigesima-nona Martij.

urn:nbn:de:hbz:466:1-9477

monasterij quod in Vuerdena, ad Ruram fundauit, & quia populum contradiceturum sciuit, voluit ad Mimigernafordensem ecclesiam deportari, & inhumatus relinqui, donec à fratre, Hildegrimo Cataulaunensi, accedente Caroli imperio, in memorato loco sepeliretur. Vedit autem Girfridus presbyter, nepos simul & successor cum omnibus qui secum erant, magnam lucem ante eum quasi in sublime concendere, quam etiam Carolus Imperator cum Alcuino & cæteris qui præsentes erant vidit, in Aquis palatio. Defunctus est autem anno octingentesimo nono, septimo Calendas Aprilis, & regio mandato depositus, ut viuus elegerat, ad Orientalem partem ecclesiæ Vuerdenensis, sexto Calendas Maij: & cadauer tanto post mortem tempore sine vlla corruptione mira fragratiæ cunctos qui aderant repleuit. Non est ille nobis mortuus, inquiunt Vuerdenenses, qui toties nos & corporaliter & spiritualiter viuificat. Non est absens, quem quotidie tot miracula nobis repræsentant. Non est ociosus, qui singulis nos momentis suorum morum probitate & sanctissimæ vitæ exemplis instruit & informat.

Die vigesima-nona Martij.

De beato Stephano papa nono, Belga.

Ex Sigonio de regno Italæ, & chronicis Leodiensium:

Lub. 9.

F Lorentiæ, obitus beati Stephani, papæ noni. Quem Sigonius scribit plurimis sanctitatis miraculis claruisté. Eiusque vitæ series, quod Belga fuerit, breuiter est hoc in loco proponenda. Pater eius Gothelo & frater Godefridus, quem barbatum dicunt, fuerunt duces Bullo-nenses

nenses in Lotharingia, aut, ut nunc loquimur, in territorio Leodiensi. Ipse autem Stephanus, tunc dictus Fredericus, in clero Leodiensi residebat archidiaconus. Sed à Leone nono assumptus est in bibliothecarium & Cancellarium. Et ad Constantinopolitanam ecclesiam legatus est destinatus, cùm illa rursus à Romana deficiens, principatum sibi arroganter vendicasset. Vbi cùm ad eum venire deditarentur patriarcha & imperator, ille Leonis, à quo mittebatur, animi magnitudinem imitatus, vrbe egressus, sandalia sua, more Apostolorum, super eos excusit. Quo facto, cum clero & populo sacco & cinere obuoluti, ad eum perrexerunt, & Apostolicam auctoritatem in eo, ad tettam prolapsi, adorarunt. Inde hæresibus damnatis, maneribus, quæ sancto Petro offerret, ab Imperatore donatus, in Italiā rediit. Vbi à Transmundo, Comite Teatino, per libidinem anatitiamq; dispoliatus est. Inde in odium Henrici, propter Godefridum fratrem, qui Beattricem Ducem Tusciae in uxorem acceperat, cùm se incidisse videret, insidias fugiens, Cassini monachum induit. Vbi paulò post in abbate est assumptus, & à Victore Leonis successore in Cardinalem electus: eo que mortuo, cùm è Tuscia Romam venisset, ex hospitio per vim in basilicam divi Petri ad vincula tractus, in die Stephani pontificis, Stephanus nonus est appellatus. Mox, contra Henricum regem, & Mediolanensem clerum, ad reformationem se conuertit, quoad collationem ecclesiarum, coniugia sacerdotum, & nuptias consanguineorum. Ad quæ perficienda Petrum Damiani Ravennatem, sanctitate, doctrina, & rerum gerendarum peritia clarum eremitam, Ostiensi ecclesia decorauit. Qui sub ipso & successore prudenter Mediolanenses ad obedientiam Romanæ sedis, cui multis annis rebellaverant, reuocauit. Leodiensi episcopo, antiquæ residentiæ non immemor, misit pretiosum superhumetale. Sedit vir sanctus mensibus fere octo, & cùm moriturum se brevi præsentiret, petijt ex Hildebrandi demum consilio, quem ad Imperatorem legatum miserat, ecclesiam ordinari.

Die